



UNIVERSITÄTS-  
BIBLIOTHEK  
PADERBORN

**Paraphrasis Psalmorvm Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Psal. I. Beatus vir qui non abijt in consilio impiorum, &c. Carm. gen. 1.

---

[urn:nbn:de:hbz:466:1-69145](#)

# GEORGII BV

CHANANI PARAPHRASIS IN

primum librum Psalmorum.

PSAL. I. Beatus uir qui non abiit in consilio impiorum, &c. Carm. gen. I.

Felix ille animi, quem non de tramite recto  
Impia sacrilegæ flexit contagio turbæ:  
Non iter erroris tenuit, sessore cathedræ  
Pestiferæ, facilem dedit irrisoribus aurem:  
Sed uitæ rimatur iter melioris, & alta  
Mente Deileges noctesque diesque reuolut.

Ille, uelut riguæ quæ margine cōsita ripæ est  
Arbor, erit: quam non uiolento Sirius æstu  
Exurit, non torret hyems, sed prodiga læto  
Prouentu beat agricolam: nec flore caduco  
Arridens, blanda dominum spe lactat inanem.

Non ita diuini gens nescia fœderis, exlex,  
Contemptrixque poli: subiti sed turbine rapti  
Pulueris instar erūt, uolucri quæ concita gyro  
Aura leuis torquet celeri ludibria uento.

Ergo ubi ueridicus iudex in nube serena  
Dicere ius ueniet, scelerisq; coarguet orbem,  
Nō coram impietas mœstos attollere uultus,  
Nec misera audebit iustæ se adiungere turbæ.  
Nam pater æthereus iustorū & fraude carentū  
Nouit iter, sensumq; tenet: curuosq; sequuta  
Impietas fraudū anfractus scelerata peribit.

A